

桑植縣志卷之八

桑植縣知縣豫章周來賀纂

烈女志

節孝

貞烈

賢淑

桑植縣志

卷之八

烈女

一

節孝

蕭國榜妻蔣氏二十五歲夫故家故貧氏紡績以養
舅姑而教其二子母家諷以再適氏曰有二孤在
奈何去之竟撫孤成立乾隆二十五年

詔旌建坊於門

向元先妻尙氏二十六歲夫故守節三十二年爲元
先立後三女皆遣嫁乃卒

毛豐妻羅氏二十五歲夫故豐有父老矣氏守節事
翁孝翁歿依其父居遇舅姑與夫忌日必哀祭焉

余中遂妻許氏夫歿時長子三歲次遺腹生氏誓不嫁與孀姑相守貧弗悔也

程尙妻鍾氏年十四適尙生三子二女尙歿守志教子以織代耕治家甚整飭

劉國軻妻熊氏二十三歲夫故氏以勤儉能持共家教子孫有法度

劉啟洙妻王氏二十二歲夫故氏守志有賢行鄉黨稱之

劉啟輝妻彭氏二十四歲夫故氏事孀姑孝所撫孤

桑植縣志

卷之八

節孝

二

亦成立

劉坡賢妻陳氏坡賢歿遺孤五歲氏撫之無他志今孤子士鐸爲諸生矣

劉啟漢妻谷氏二十二歲夫故孀居數十年事翁國富以孝聞子英賢爲人循謹亦氏家教也

張爾瑤妻鄭氏十九歲夫故遺腹生子鄭氏茹苦含辛孝慈兼盡子歿復撫孫光錫成立遊泮守節五十二年卒

艾士攀妻趙氏二十四歲夫故遺二子氏教之寓慈

於嚴賢淑有聲現年六十六

蕭家傑妻劉氏青年守志孝事翁姑撫孤成立閨範
極肅現年八十

劉嗣學妻向氏二十四歲夫故遺孤不育以弟幼子
承祧教之有方事姑孝現年五十

劉嗣宣妻聶氏十九歲夫故遺一孤氏教之嚴居處
恒不離姑側現年五十

賀長謨妻余氏二十六歲夫故經理家政井井有條
弟及子皆賴以成名

桑植縣志

卷之八

節孝

三

王師寬妻陳氏十八歲夫故遺腹生一子因無翁姑
夫兄欲奪其志氏苦節自矢勤操女工守節五十
五年卒

朱長文妻谷氏二十五歲夫故時孀姑猶在遺二孤
或諷以改適氏曰姑老于幼適將焉托家無擔石
矢志靡他姑歿葬祭盡禮守節七十一年卒

彭昌桂妻劉氏二十九歲夫故事親教子勤劬備至
溫慈淑慎閭里同欽守節五十六年卒

張學清母諶氏二十一歲夫故撫孤成立曾元繞膝

守節七十餘年卒

彭立楚妻陳氏年十六適楚十七夫故無嗣以兄子承祧孝慈兼盡守節三十七年卒

彭士相妻陳氏二十歲夫故撫孤守節現年五十一
彭相華妻胡氏二十八歲夫故守節五十四年卒
蕭家炆妻王氏二十九歲夫故守節五十二年卒
黃學榮妻向氏二十五歲夫故守節五十一年卒
王賢輔妻彭氏十九歲夫故守節五十六年卒
貴國武妻楊氏二十五歲夫故守節四十九年卒

桑植縣志

卷之八

節孝

四

尙成學妻彭氏二十歲夫故守節五十四年卒
蕭仁保妻陳氏二十三歲夫故守節五十四年卒
陳開聰妻金氏二十三歲夫故守節五十四年卒
覃慶南妻張氏二十六歲夫故守節四十四年卒
葉世蓬妻宋氏二十五歲夫故守節四十年卒
王士逵妻陳氏二十六歲夫故守節三十六年卒
劉倫振妻向氏二十三歲夫故遺二孤氏矢志撫養
未久夫弟亦歿弟婦尙無出氏以次子承弟祧勸
令守節弟婦亦勵其操焉現年四十九歲

王宗學妻鍾氏二十四歲夫故守節三十七年卒
朱世翰妻蕭氏二十五歲夫故守節三十五年卒
趙由典妻周氏二十二歲夫故守節二十五年卒
朱世義妻蕭氏二十二歲夫故守節十六年卒
任啟謂妻劉氏二十三歲夫故守節四十三年卒
貴先章妻葉氏二十五歲夫故現年八十五歲
王導先妻印氏二十八歲夫故現年八十四歲
明光盛妻陳氏二十二歲夫故現年八十八歲
熊尙勤妻鍾氏二十一歲夫故現年八十八歲

桑植縣志

卷之八

節孝

五

譚效文妻楊氏二十六歲夫故現年七十九歲
王正剛妻郭氏二十九歲夫故現年七十五歲
胡振葉妻蕭氏二十二歲夫故現年七十三歲
張朝棟妻谷氏二十八歲夫故現年七十三歲
覃遠振妻侯氏二十三歲夫故現年七十四歲
谷啟瑤妻張氏十九歲夫故現年六十八歲
田應楨妻黃氏二十八歲夫故守節現年六十八歲
鄧新萬妻廖氏三十歲夫故守節現年六十八歲
黃中理妻郁氏二十六歲夫故守節現年六十七歲

張九洪妻羅氏二十七歲夫故守節現年六十六歲
鍾良卿妻劉氏二十六歲夫故守節現年六十四歲
宋朝禮妻王氏二十四歲夫故守節現年六十三歲
蕭順祖妻王氏二十五歲夫故守節現年六十四歲
蔡正楷妻向氏二十八歲夫故守節現年六十四歲
余先志妻周氏二十一歲夫故守節現年六十六歲
葛應德妻陳氏二十三歲夫故守節現年六十三歲
宋明讓妻吳氏十八歲夫故守節現年六十二歲
韋光甲妻王氏二十四歲夫故守節現年六十二歲

桑植縣志

卷之八

節孝

六

李任竒妻王氏二十二歲夫故守節現年六十二歲
田應祥妻黃氏二十六歲夫故守節現年六十一歲
周仲泉妻尙氏二十五歲夫故守節現年六十歲
張光玉妻黃氏三十歲夫故守節現年六十歲
周玉藻妻余氏二十二歲夫故守節現年五十九歲
陳成友妻張氏十九歲夫故守節現年五十九歲
胡先拔妻向氏二十八歲夫故守節現年五十四歲
谷得金妻王氏二十二歲夫故守節現年五十三歲
朱文成妻谷氏二十五歲夫故守節現年五十一歲

黃長松妻熊氏十八歲夫故守節現年五十一歲

莊景淑妻蔣氏二十五歲夫故守節現年五十歲

譚蘭淳妻鄧氏二十四歲夫故守節現年五十歲

吳賢業妻朱氏十九歲夫故守節現年五十歲

唐正營妻王氏二十五歲夫故現年五十歲

李先兆妻黃氏二十歲夫故守節現年五十歲

劉際濂妻秦氏二十六歲夫故守節現年五十歲

曾光源妻陳氏二十八歲夫故守節現年五十歲

彭名義妻陳氏二十五歲夫故守節現年五十歲

桑植縣志

卷之八

節孝

七

尙王成妻李氏二十六歲夫故守節教子急嚴大興

家道現年五十歲

朱登傑妻万氏二十五歲夫故守節現年四十九歲

瞿土坤妻龔氏二十四歲夫故守節現年七十一歲

鍾良朋妻趙氏二十歲夫故守節現年六十歲

梅學忠妻向氏二十七歲夫故守節現年五十四歲

彭名德妻鍾氏二十四歲夫故守節現年五十七歲

彭名遇妻劉氏二十八歲夫故守節現年五十四歲

陳天萬妻張氏二十六歲夫故守節三十六年卒

陳立飛妻彭氏二十歲夫故守節四十五年卒

鄭家騏妻樊氏二十四歲夫故無嗣時孀姑在堂家
無擔石氏惟日勤女工以奉姑膳現年四十五歲
王用選妻杜氏二十六歲夫故無嗣矢志終養守節
六十二年卒

段世清妻李氏二十八歲夫故守節四十二年卒

覃慶瑞妻汪氏十九歲夫故守節現存

余正國妻李氏二十一歲夫故守節七十八年卒

龔紹紀妻向氏二十五歲夫故守節撫孤春堂遊西

桑植縣志

卷之八

節孝

八

庠計守節三十二年現存五十七歲

彭德修妻牟氏二十三歲夫故守節歸其兄向榮家
住食貧自苦計守節二十一年現存

張安邦妻向氏二十二歲夫故撫孤萬香貢成均計
守節三十七年現存六十歲

尙向氏歸同邑侯選訓導尙天爵廖氏其簋室也嫡
妾和諧事姑尤孝始青年守節撫天爵成立光緒九
年天爵出應試姑猝病家人追天爵弗及病且危向
氏情迫刲其臂和藥以進廖氏繼之姑病立愈當刲
臂時皆不知痛楚人以為兩婦誠孝所感貢生劉漢
倬入京就職白諸同鄉京官刑部主事郭慶治翰林
彭紹香等具稟禮部入

奏光緒十八年得邀

旌典如例

桑植縣志

卷之八

節孝

九

龍起濤曰予家江右之永新瘠邑也自道光壬辰
鄭邑侯長昕倡建書院至今六十年間鄉試獲雋
者六十餘人解元一人掇南宮入館選者前後不
乏詢之大半多節婦之後盖天之報節也如此以
故各處有敬節堂清節堂保節堂之設護持周卹
誠重之也今觀尙君天爵之母乃青年矢志撫孤
成立者其家既裕其媳亦孝其子復得廣文不可
謂非守節之報也士為四民之首地方風俗賴以
維持不然彼為京官者何以為節孝等事亟亟入

告也因記此用告桑之為士紳者

蕭王氏沾化里人父王懷亮病劇家貧無醫藥女適蕭姓來歸視父病女亦赤貧不能具醫藥因焚香祝天割股肉以進父病隨愈今左臂癍痕猶存光緒十七年三月事也

桑植縣志

卷之八

節孝

十

貞烈

李珍秀桃源人隨父萬忠居於桑年十五有容色母命往山摘秦椒萬忠養子王正玉尾其後欲強污之珍秀不從正玉忿取刀殺珍秀亦自刎邑令以聞部議請旌乾隆二十二年奉

旨給帑銀建坊崇祀節孝祠

谷氏向鼎妻

向鼎慈利十五都人今隸桑植從舊志載之

順治十一年鼎

夫婦爲流賊所掠氏有色欲污之不從大罵觸石死賊乃釋鼎有武弁嘉其烈棺殮之

桑植縣志

卷之八

貞烈

九

向氏女孝廉開先季女也字同邑沙

清文

之仲子未婚

而卒有爲勢家子求婚者母喜諾之女知力不能拒遂作絕命詞四首以自盡時女年十七邑令請

旌建坊入祠焉

劉氏松姑邑增生浩然公之孫女也未出閨舍生救

親忿急自盡 縣主周深嘉其烈焉

彭陳氏幼許字彭學效之次子士大大於十餘歲病足舉動維艱婦父商之學效欲其退婚書據效以

子既病廢慮將來反目卽書與持歸婦知其事心甚不平賺得父據裂毀之當卽自往夫家登堂拜謁翁姑曲盡婦道家故貧以婦操作辛勤漸殷阜生二女俱字名門復勸夫納妾生子峻聰現在孫曾林立方興未艾

王氏六英邑庠生用舉用清之姪孫女也幼許谷姓谷子早逝女誓不再字有欲強聘之者割耳明心經前 縣憲衛嘉其苦節迄今守貞現年四十餘歲

桑植縣志

卷之八

貞烈

十

賢淑

王選能妻余氏好善樂施夫歿後凡修險道置義渡出貲不吝

桑植縣志卷之八

雜識

前漢書地理志充西原山西水所出南至沅陵入沅行千二百里今水出桑植鶴峯慈利三邑交界之橙子界者由大泉坪下會澧水東流入澧州歸洞庭不得南至沅陵入沅是別一酉水也如澧州志於承定縣載武溪註云出瀘溪經大庸城東大庸卽今永定衛而武水出瀘溪縣西之武山由武口洲徑入沅水安得復由大庸城乎水道非親歷不詳不可臆度

桑植縣志

卷之八

雜識

十一

朱 鴻江南揚州人明萬曆四十二年任安福所吏目寬仁愛民其廳有聯云鄉下有田宜早種所中無事莫頻來三年歿於任民戴之今其墓在城東三里馬營峪又有馮志京者山東歷城人繼鴻之後仁而明無敢以私干者調巴陵典史去下吏有遺愛不可沒□

明天啟元年城中數被火居民見赤鳥啣火置茅屋上□以翅火卽發所官禳之災稍息是年九月大雪□水舟不通鹽踴貴每包價至一两二錢

□正二年四月晝晦雨雹大如掌小如雞卵深尺許
□□是年病疫

□□二則出安福縣志從鍾志中采之可入災異但
爲縣志則設縣後之祥異方得書故入雜識

距城二十餘里之彭家山產銅雍正八年前令連際
穎請開採旋封禁乾隆四年邑民復請開採臺司允
之然一歲中用銀一千餘兩纔得銅一千五百餘觔
官以二八抽分解銅二百觔耳銅砂不旺商人多折
閱故不可繼

山中多硝洞取洞中土以水瀝之熬而成硝然下多

桑植縣志

卷之八

雜識

十二

石土盡則止矣異時奸民闖人爲私硝官捕之輒逃
居民苦之然亦必聯屬本土人乃敢潛匿此最累於
善良不可不嚴懲者

邑之歷山及卧雲界等處皆產鐵礦前因新設縣恐
開冶鑄啟爭端故禁之今冶鑄皆在永定而炭則資
於桑邑民需鐵買自承定價反貴重桑邑之山以供
永定冶鑄之利而農工雖有炭與礦莫敢治而爲銑
者是懲噎廢食也

□州志載洪武二十二年石門土蠻夏得忠夏克子誘九谿洞蠻復叛襲破慈石二縣上命靖寧侯葉昇同征南將軍東川侯胡海帥師十萬往征師渡九谿大庸天火嶺六古卑洞擒獲蠻酋夏六古虎等械送京師得忠既誅置永定九谿二衛而鍾志云淇武二十二年千戶夏昌珪子得忠潛誘九谿蠻爲寇上命師勦平開創城池與澧志小異夏得忠一以爲千戶一以爲土蠻一云夏克武子一云夏昌珪子未知孰是

桑植縣志

卷之八

雜識

十三

桑植土司向國棟之得罪也與保靖土司彭御彬同在雍正之五年上崗長官司向玉衡下崗長官司向梁佐之獻土則在雍正十三年與茅岡土弁覃純一大喇土弁彭御佶同時桑植司地狹而瘠不如永順容美然介居脊膺間實爲要害肇槐內屬旻如伏罪桑植司雖微國棟亦難孤立况加以殘虐乎玉衡梁佐等本安靜無過向化投誠亦知機之哲也

土司□本在舊司城制簡陋□□□□□年向國棟別於新街建署稍□廠□□□□□□□變國棟

未嘗安居也今爲九谿營守備行署或云其廳樓皆楠木爲樑柱其實非也

土司屬有土知州土中軍土經歷桑植司本聽九谿營調遣凡文書俱移會土經歷土司自稱曰本爵土民稱之曰爵爺其土民分屬各旗生男女輒報名書於冊長則當差賦斂無名刑殺任意或抄沒其家資或縛而鬻之境外爲奴婢俗言土司殺人不請

旨親死不丁憂故土民畏之

土知州有三曰安定州龍潭州化被州長官司有六

桑植縣志

卷之八

雜識

十四

有名無地皆土司自署置土中軍止一人其下分十四旗每旗有總旗管之所領或百餘人或數十人用則爲兵散則爲農土人有罪小則土知州治之大則土司自治若客戶過犯則付土經歷以經歷爲客官也

上下二崗長官司俱服桑植司調遣然不受署置亦互結婣戚與其置長官司異

土司出其儀衛頗盛土民見之皆夾道伏卽有譴責誅殺惴惴聽命莫敢違者然向時土司猶能撫恤其

土人至國棟則暴恣甚民不堪命於是相率赴愬而數百年之世職亡矣

土官以宣慰司爲最尊安撫司次之宣撫司又次之而安撫宣撫於宣慰不相統屬

永順保靖桑植容美爲四大土司而容美最强桑植接容美亦能敵之後乃結好向國棟之恣睢亦效田旻如而然旻如逆父國棟戕兄其覆宗宜也

縣西北一百二十里有大巖屋寬布數十席石壁有墨書山高水長億萬斯年八大字相傳容美桑植二

桑植縣志

卷之八

雜識

十五

土司尋盟於此書之

邑令張君秉義治桑八年以最擢去有留別士民詩云鹿鹿風塵歲幾更簡書初下被恩榮勞心愧我縻升斗鼓腹同民樂太平手種青松皆及拱眼前赤子盡成丁臨岐眷眷無他語秀者詩書樸者耕詩雖質而藹然可風也

永順志載猛洞河自桑植中建司發源通王村大河然中建司非桑植所屬

離縣城不三里爲高家坪卽西水所舊墟舊志宣德四年裁汰冗員存千戶三朱其昌高維嶽袁懋功今軍籍中朱高等姓尙多

蟻蛛緣壁而行俗名壁蟻周櫟園先生書影載高康生二十許時見一大者伏門後枋柱間晚以燈行觸之虫促縮蹲踞隆起木上可半寸是年家遇火災未知是虫之應否記此以供好異者採錄桑邑蟻蛛類大如蠨隆起木上奚止半寸高君持少見多怪耳

乾隆十八年三月有訛言自慈永來云官選秀女城

桑植縣志

卷之八

雜識

十六

鄉傳播有女家競送女就婚官諭禁之不能止此殆諺所云天婚者耶

附錄

序土司者非爲土司譜紀世裔所以見聲教暨訖之盛而各土之投誠歸命不俟囚壘而降亦兼著其向善之美焉

土司承襲輯略

土司徵調

土司兵事

桑植縣志

卷之八

附錄

十七

向失查

氏

土

司

世

襲

圖

桑植宣慰司世襲輯畧

向仲山其先本係蠻酋元末討鶯梯寇平之授宣慰司職約束苗民有上桑植下桑植地在九谿西北爲桑植土司之祖

向思富子仲山明洪武七年以軍功仍授舊職頒給印

篆並設土經歷土中軍等官受其節度管理桑植土兼轄施州三里下軍民

向萬成 思富子襲任

向永政 萬成子襲任調征洪江等處

桑植縣志

卷之八

附錄

十八

向寬 永政子襲任

向世英 寬子襲任

向經 世英子襲任

向綬 經弟以兄無子襲任

向仕爵 綬子襲任

向仕祿 爵弟以兄無子襲任嘉隆間以征倭功獎

賜向司

向宗政 仕祿子襲任

向忠和 宗政子襲任

向承周 忠和子襲任萬曆間以軍功加銜回司

向一貫 承周子襲任調征海賊

向 暹 一貫子襲任崇禎間以軍功加銜回司

向 鼎 暹弟以兄無子襲任

國朝順治四年附授原職頒給印篆

向長庚 鼎子襲任曾奉調征古州八萬平後撤兵

回司

向國柱 長庚子襲任未久卒

向國棟 國柱弟襲後阻兵安忍土民病之雍正四

桑植縣志

卷之八

附錄

十九

四年土經歷唐宗聖等赴愬總督傅具奏奉

旨改土為流摘取印篆以國棟安置河南桑植土司遂亡

柿溪宣撫司世襲輯畧

向克武其先亦係蠻酋宋末柿溪苗叛克武奉調勦
平以功授柿溪宣撫司職其地即今之上下二崗
每年納粟糧銀六兩六錢

向萬明 克武子襲任

向萬才 萬明弟以兄無子襲任

向永通 萬才子襲任

向世祿 永通子襲任

向天福 世祿子襲任

向定安 天福子襲任

向仕德 定安子襲任

向仕金 仕德弟以兄無子襲任生仲賢仲貴仕金

卒二子爭襲明宣德四年改宣撫司為長官司分

上下二崗命兄弟各管土民分納粟糧三年一次

朝覲

桑植縣志

卷之八

附錄

二一

上崗長官司世襲輯畧

向仲賢 仕金長子分防上崗即柿溪宣撫司舊治

向世雄 仲賢子襲任

向榮宏 世雄子襲任

向定邦 榮宏子襲任

向瑤長 定邦子襲任

向友芳 瑤長子襲任

向世奇 友芳子襲任

向秉忠 世奇子萬曆三十年調征播州楊應龍進

攻九龍寨之板角關擒賊酋楊朝棟楊維棟等
賜匾額曰欽獎元勲陞授宣撫司回任

向得祿 秉忠子仍襲長官司

向國棟 得祿子崇禎間以功特加宣撫司職銜回任

向九鸞 國棟子襲任康熙二年內附二十一年頒

長官司印篆約束土苗

向應正 九鸞子末任

向元欽 九鸞孫襲任

向玉衡 元欽子襲任雍正十三年請辭職獻土總

桑植縣志

卷之八

附錄

二十一

督邁奏聞奉

旨俞允賞給世襲把總職銜

下崗長官司世襲輯畧

向仲貴 仕金次子兄弟爭襲朝廷令分防下崗

向世瑛 仲貴子未任

向廣 仲貴孫襲任

向勇 廣子襲任

向顯宗 男子襲任

向忠葵 顯宗子襲任

向天爵 忠葵子襲任

向國用 天爵子襲任 嘉靖隆慶間以征倭功獎

賜回司

向懷忠 國用子襲任

向德隆 懷忠子襲任萬曆三十年調征播州楊應

龍破九龍巖有功賜欽獎元勲匾額

向化龍 德隆子襲任崇禎十三年以軍功加級回

司

向日葵 化龍子襲任

桑植縣志

卷之八

附錄

二十二

國朝康熙二年內附十八年繳吳逆所給偽劄二十三年

給下崗長官司印約束土苗

向應昌 日葵子末任

向鼎成 口葵孫襲任

向良佐 鼎成子雍正十三年與上崗司向玉衡同

時獻土並給世襲把總職銜

土司徵調

明洪武三年調桑植宣慰司向思富隨征西蜀六年復調征西州

嘉隆間調桑植宣慰司向仕祿下崗長官司向國用率兵征倭寇

萬曆三十年調桑植宣慰司向承周及上崗長官司向秉忠下崗長官司向德隆各率兵征播州

崇禎十三年調桑植宣慰司向暹及上崗長官司向國棟率兵赴彝陵協勦流寇又調下崗長官司向化

桑植縣志

卷之八

附錄

二十三

龍赴彝陵協防守經閣

國朝初調桑植宣慰司向長庚率兵征古州

土司兵事

國朝雍正四年桑植土司向國棟與容美永順茅岡各司尋釁仇殺民不堪命

卷之八終